

Mostar: o2.01.1993.godine

Izvještaj o izvršenom zadatku.

Dana 18.12.1992.godine dobio sam nalog od gospodina M.Mahmutćehajića koji je kontaktirao sa MUP-om BiH, da radnike SJB Stolac koji su lojalni R BiH a u skladu sa ranijim depešama MUP-a BiH o prepotčinjavanju MUP-a Armiji BiH u onim sredinama gdje nije moguće da MUP funkcioniše po zakonima BiH, obavjestim da se stave na raspolaganje brigadi "Bregava".

Odmah sam otišao u Stolac i obavio razgovor sa Pomoćnikom komandira Pekaz Ekremom i milicionerima Husović Fuadom i Baljić Fadilom. Ostale nisam uspio pronaći. Naložio sam im da su obavezni postupiti po depešama sa čijim sam ih sadržajem upoznao predpostavljajući da ranije nisu upoznati. Baljiću sam dao zadatak da sve radnike upozna sa depešom Ministra koja govori da se ne potpisuje nikakva obaveza prema HZ HB, a da MUP BiH garantuje radnicima radno-pravni status, što je on, kako me je u sljedećem razgovoru obavjestio, i izvršio.

Pekaz i Husović su bili neodlučni i rezervisani. Husović je izražavao bojazan za porodicu, kuću, a Pekaz je htio izravno primiti obavezu, a do tog saznanja će postupati po instrukcijama Predsjednika SDA, Šute Esada. Rekao sam mu da ću mu iz Mostara nakon mijih daljnjih spoznaja i provjera poslati definitivnu poruku po kojoj on mora postupiti.

Dana 23.12.1992.godine sam se vratio u Mostar, stavio se na raspolaganje brigadi "Bregava" i o učinjenom poslu izvjestio M.Mahmutćehajića i Komadanta Bajru Pizovića.

Nakon što je Komandant Pizović i gosp.M.Mahmutćehajić u 4.Korpusu obavješteni da bi sad radnicima MUP-a moglo biti problema ako ne potpišu lojalnost HZ HB, a nisu ni pripadnici Armije BiH, gosp.Pizović i ja smo otišli u Stolac 29.12.1992.god. i u Kriznom štabu sa Baljić Fadilom u prisustvu Šute Esada i ostalih članova Kriznog štaba objasnio šta bi im se moglo dogoditi ako ne pristupe Armiji BiH dajući mu obavezu da on sve prenese ostalim radnicima SJB. Međutim, Predsjednik Šuta a i ostali prisutni članovi Kriznog štaba su bili protiv odlaska u Mostar u brigadu nego su tražili da se radnicima SJB naprave iskaznice Armije da bi ih zaštitile od mogućeg maltretiranja, a da se prema HZ HB ne potpisuje nikakva obaveza.

Sutradan su napravljene iskaznice onim radnicima za koje smo imali podatke.


Komadant Pizović i ja smo zatim 30.12.1992.god. sa gospodinom Ramom Maslešom konstatovali da sve ljude MUP-a treba što prije prebaciti u brigadu "Bregava" i u okviru brigade nastojati obezbjediti funkcionisanje SJB Stolac. Komandant je preuzeo obavezu da to prenese još jednom radnicima SJB Stolac što je i učinio.

Gospodin Alija Rizvanbegović i gospodin Kemal Kapidžić su također razgovarali sa Pekazom i ukazali mu na obavezu radnika MUP-a da se stave na raspolaganje Armiji i pokušaju uspostaviti funkciju MUP-a ali je on pokazao neodlučnost i nesigurnost.

Do danas ni jedan radnik SJB se nije javio u brigadu "Bregava".

DOSTAVITI

- 1.Komandi brigade
- 2.Arhivi

IZVJEŠTAJ DOSTAVIO

Mehmed Dizdar